

**Kirsty Williams AC/AM**  
**Ysgrifennydd y Cabinet dros Addysg**  
**Cabinet Secretary for Education**



**Llywodraeth Cymru**  
**Welsh Government**

Lynne Neagle AC  
Cadeirydd  
Y Pwyllgor Plant, Pobl Ifanc ac Addysg  
Cynulliad Cenedlaethol Cymru  
Bae Caerdydd.  
CF99 1NA.

26 Mehefin 2018

Annwyl Lynne,

Mae'r gwaith datblygu ar y cwricwlwm newydd yn mynd rhagddo'n dda. Mae model cynnydd dysgwyr bellach wedi'i ddatblygu, sy'n rhan hanfodol i ddatblygu'r Meysydd Dysgu a Phrofiad.

Rwyf wedi cyhoeddi datganiad ysgrifenedig heddiw hon yn rhoi'r diweddaraf i Aelodau ar y cynnydd sydd wedi'i wneud, ond hoffwn hefyd dynnu sylw at y cyfathrebiadau a gyhoeddwyd yr wythnos hon i sicrhau bod y proffesiwn a rhanddeiliaid allweddol yn cael yr wybodaeth ddiweddaraf.

Mae rhifyn arbennig o Dysg wedi'i gyhoeddi gyda'r diweddaraf ar ddatblygiadau ers mis Mawrth. Mae'n cynnwys:

- Fideo cryno ar weithgarwch eleni, gan edrych ymlaen at dymor yr hydref.
- Podlediad arbennig ar y Cwricwlwm: Graham Donaldson, Louise Hayward a Mark Priestley sy'n trafod y cefndir i'r Cwricwlwm, y sail resymegol iddo, a'r heriau sydd ynghlwm wrtho. Mae hyn yn dilyn lansiad ein podlediad Addysg Cymru cyntaf ym mis Ebrill.
- Papurau'n dangos sut y mae Meysydd Dysgu a Phrofiad yn datblygu fel rhan ganolog o'r Cwricwlwm, a blog cryno'n cefnogi hynny.
- Dilyniant a chynnydd sy'n sail i'r Cwricwlwm - wele'r model, a sut mae'n gweithio.

Dyma rai erthyglau a allai fod o ddiddordeb sydd wedi'u cyhoeddi ar flog Cwricwlwm i Gymru ers mis Mawrth:

- Adroddiad ymchwil: sut mae dilyniant dysgu'n cael ei gefnogi gan ymchwil
- Adroddiad Estyn sut mae ysgolion cynradd yn addasu eu cwricwlwm i ymateb i'r gwaith o ddiwygio'r cwricwlwm ac addysg
- Podlediad Addysg Cymru: Mae'r bennod gyntaf yn esbonio ein diwygiadau ym maes addysg a sut maent yn cyd-fynd â'i gilydd
- Ysgolion yn gweithredu fel sefydliadau sy'n dysgu: astudiaethau achos newydd ar sut mae cydweithio'n fuddiol o ran dysgu proffesiynol

Bae Caerdydd • Cardiff Bay  
Caerdydd • Cardiff  
CF99 1NA

Canolfan Cyswllt Cyntaf / First Point of Contact Centre:  
0300 0604400

[Gohebiaeth.Kirsty.Williams@llyw.cymru](mailto:Gohebiaeth.Kirsty.Williams@llyw.cymru)  
[Correspondence.Kirsty.Williams@gov.wales](mailto:Correspondence.Kirsty.Williams@gov.wales)


Rydym yn croesawu gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

- Aseidiadau ar-lein: yn fuan, bydd aseidiadau darllen a rhifedd yn symud ar-lein – sy'n beth da i'r cwricwlwm newydd.

Efallai yr hoffech hefyd edrych ar y gwefannau a thanysgrifio i gylchlythyron gan y consortia addysg rhanbarthol ac Estyn sy'n cefnogi ysgolion drwy ein rhaglen drawsnewid

Yn gywir

A handwritten signature in black ink, appearing to read 'Kirsty Williams'.

**Kirsty Williams AC/AM**

Ysgrifennydd y Cabinet dros Addysg

Cabinet Secretary for Education



Llywodraeth Cymru  
Welsh Government

---

## **DATGANIAD YSGRIFENEDIG GAN LYWODRAETH CYMRU**

---

**TEITL** Trefniadau Asesu a'r Cwricwlwm Newydd

**DYDDIAD** 26 Mehefin 2018

**GAN** Kirsty Williams, Ysgrifennydd y Cabinet dros Addysg

Hoffwn roi diweddariad i aelodau ar ddatblygiad y trefniadau asesu a'r cwricwlwm newydd sydd yn symud yn ei flaen yn dda, ac sydd ar amser, a bydd fersiwn drafft ar gael ym mis Ebrill 2019.

Bydd gan ysgolion wedyn gyfle i ddarparu adborth, i brofi a choethi, cyn iddynt gael mynediad i'r cwricwlwm derfynol o 2020, gan eu caniatáu i fod yn hollol barod ar gyfer ei weithredu'n statudol ym Medi 2022. Mae hyn yn ganolog i genhadaeth ein cenedl i godi safonau, i gau'r bwloch cyrhaeddiad a chreu system addysg sydd yn destun balchder cenedlaethol.

Ers Ionawr mae Ysgolion Arloesi sydd wedi cael eu cefnogi gan addysgwyr blaengar ledled y byd, Sefydliadau Addysg Uwch, Llywodraeth Cymru a'n rhanddeiliaid i ddarparu cynnydd sylweddol.

Mae Ysgolion Arloesi wedi datblygu datganiadau 'Beth sy'n Bwysig' ar gyfer y Meysydd Dysgu a Phrofiad - y ffyrdd o drefnu dysgu ar draws y cwricwlwm. Bydd y datganiadau 'Beth sy'n Bwysig' yn datgan y wybodaeth a'r sgiliau sydd angen eu cyflawni a gyda'r bwriad o wneud yr hyn y mae plant a phobl ifanc yn ei ddysgu yn addas ar gyfer y byd y maent yn byw ynddi heddiw ac eu helpu i addasu i gymdeithas a byd sydd yn newid.

Dilynant a chynnydd sy'n sail i'n cwricwlwm a'n trefniadau asesu newydd. Mae'r prosiect CAMAU, a redir gan Yr Athrofa ac Y Drindod Dewi Sant, wedi cefnogi Arloeswyr yn y gwaith o ddatblygu'r ymagwedd hon. Bydd yn seiliedig ar gontinwrm dysgu ar gyfer dysgwyr rhwng 3 a 16 oed.

Bydd y Camau Cynnydd yn cael eu pennu yn 5, 8, 11, 14 ac 16 oed, a byddant i'w gweld ar ffurf Deilliannau Cyflawniad a fydd yn berthnasol, yn fras, i'r disgwyliaid ar yr adegau hynny. Bydd y rhain yn helpu athrawon i drefnu dysgu mewn ffordd briodol ar gyfer pob dysgwr.

Mae Arloeswyr hefyd yn ystyried anghenion dysgu proffesiynol sy'n dod i'r amlwg. Bydd hyn yn bwydo i mewn i'r Model Cenedlaethol ar gyfer Dysgu Proffesiynol a gaiff ei lansio yn yr hydref i gefnogi gweithwyr y sector i symud i'r cwricwlwm newydd.

Ym mis Mehefin, cyhoeddodd Estyn drywydd er mwyn helpu ysgolion i baratoi. Gall arweinwyr ysgolion ddechrau paratoi ar gyfer y newid nawr drwy ddefnyddio'r trywydd ac edrych ar yr astudiaethau achos ledled Cymru.

Mae ein diwygiadau yn cael eu datblygu mewn ffordd gydweithredol a thryloyw, gan gyhoeddi diweddariadau cyson. Yr wythnos hon, rydym wedi cyhoeddi 5 papur yn amlinellu ein hymagwedd tuag at y Meysydd Dysgu a Phrofiad, gyda phapur arall i ddod ym mis Gorffennaf. Rydym hefyd wedi cyhoeddi podlediad diweddaraf Addysg Cymru, sy'n rhoi sylw manwl i'r Cwricwlwm. Ynndo, mae Graham Donaldson, Mark Priestly a Louise Haywood yn trafod sut y mae ein diwygiadau'n rhoi addysg Cymru ar y map ar draws y byd.

Gall unrhyw un sydd â diddordeb ddilyn ein cynnydd o ran y diwygiadau drwy danysgrifio i flog Cwricwlwm Cymru, gwrandao ar y podlediad y soniwyd amdano uchod, neu danysgrifio i dderbyn cylchlythyr addysg Llywodraeth Cymru, sef Dysg. Yr wythnos hon, mae'r rhifyn diweddaraf o Dysg yn canolbwyntio'n llwyr ar ddatblygiadau mewn perthynas â'r trefniadau asesu a'r cwricwlwm newydd.